

PROCONSULARIS clauditur ab Ortu & Septentrione pelago Africo: ab Occidente Tusca fluvio, & linea ducta à Tusca è regione Musti civitatis, secundo Rubricatum fluvium ad Bullam regiam, indeque ad Ammederam: à Meridie dividitur à Bizacena per lineam ductam ab urbibus Ammedera & Vazua usque ad flexum Bragadæ fluvii: indeque per Abderam & Ulizibirram civitates ad finem Adrumetinum versus Ortum, non longè ab Adrumeto.

X.
LIMITES SINGULARUM
PROVINCiarum AFRICÆ.

¹ NUMIDIA habet pro terminis ab Ortu Tuscam fluvium, & lineam ductam ab ejus fontibus per Rubricatum fluvium, quem secatur è regione Bullæ regie, indeque juxta eundem Rubricatum ad Libycas usque gentes protensam: & ab Occidente Ampsagam: à Septentrione Mare Africum: & à Meridie partem Libyæ interioris.

BIZACENA Provincia ab Ortu habet mare Africanum & Tritonem fluvium: ab Occasu Rubricatum fluvium & Proconsularem, à qua per lineam jam dictam separatur: à Septentrione habet eandem provinciam Proconsularem: & ab Austro Libyam internam.

SITIFENSIS Mauritania habet ab Ortu Ampsagam fluvium: ab Occasu Nasabath: à Meridie partim Libycas gentes, partim lineam infra descriptam, qua dividitur à Mauritania Cæsariensi: & à Septentrione mare Africum.

MAURITANIA CÆSARIENSIS habet ab Ortu provinciam Sitifensem, à qua separatur per fluvium Nasabath, & lineam ductam à fontibus dicti fluvii ad Audum quem secatur: indeque inter Cidamum & Tubunam urbes, ad Gulum fluvium non longè à Germania urbe usque ad gentes Libycas: ab Occasu terminatur Malva fluvio: à Septentrione habet mare Africum: & ab Australi plaga clauditur gentibus Libycis.

MAURITANIA TINGITANA ab Ortu terminatur Malva fluvio, & linea ducta à fontibus Malvæ usque ad majorem Atlantem: ab Occasu mari externo, quod & Oceanus occiduus dicitur: à Septentrione habet fretum Herculeum: & à Meridie majorem Atlantem, quo à Libya interiori separatur.

TRIPOLITANA provincia ab Ortu habet Aram Philenorum, & lineam ab ea ductam ad Libycas gentes: ab Occasu Tritonem fluvium, quo dividitur à Bizacena: à Septentrione terminatur mari Africo, & à Meridie desertis Libycis.

NOTÆ LUCE HOLSTENII.

¹ Numidia habet pro terminis &c. Numidia consularis appellatur in Coll. Carth. 1. §. 18. & apud S. Augustinum Epistol. 134. Numidiarum duarum mentio fit.

NOTITIA ANTIQUA EPISCOPATUUM AFRICÆ,

AC PRIMO,

¹ PROVINCIAE PROCONSULARIS.

² CARTHAGO Ptol. lib. 4. c. 3. Ab incolis hodie *Almenara*. S. Cyprianus Episcopus Carthaginensis toto orbe celeberrimus est.

¹ SICI-

NOTÆ LUCE HOLSTENII.

¹ Victor Vitenis lib. 1. affirmat hanc provinciam habuisse CLXIV. Episcopos lib. 1. p. 6. b. Agrippinus, Donatus, Fabianus; post, Mensurius, Cæcilianus, Lucianus, Rufus, Gratus, Genethlius, Aurelius, Capreolus, Quodvultdeus, Deogratias, Eugenius, Bonifatius, Reparatus, Primasius, sive Primosus, Victor, Publianus, Fortunatus, omnes ibidem celeberrimi.

² Carthago] De Carthaginensium Episcoporum successione Baron. ad Martyrol. 26. Octobris. Restitutus Martyrol. 9. Decembris. Possidius in Indiculo. Cyprian. Epist. 55. Ante Cyprianum fuit